

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE

Broj: 01-45-164/20

Z A P I S N I K
SA DRUGE SJEDNICE
GRADSKOG VIJEĆA ZENICA

- održane 28. decembra 2020. godine -

Zenica, decembar 2020. godine

Zapisnik sa 2. sjednice Gradskog vijeća Zenica, održane 28.12.2020. godine

Sjednica je počela s radom u 10.00 sati.

Sjednicom je predsjedavao Almir Babajić, predsjedavajući Gradskog vijeća Zenica.

Nakon uvodnog pozdrava, predsjedavajući Vijeća konstatovao je da sjednici prisustvuje 29 vijećnika, te da Vijeće može punovažno odlučivati. Kašnjenje na današnju sjednicu najavio je vijećnik Elvis Alijagić.

Predsjedavajući Vijeća upoznao je prisutne da sjednici Vijeća u svojstvu gostiju prisustvuju Almedin Skopljak, predstavnik JP „Elektroprivreda BiH“ d.d. Sarajevo, te predsjednici mjesnih zajednica Janjići i Gorica, Miralem Kaknjo i Hasan Hrnjić. Također, upoznao je prisutne da će sjednicama Gradskog vijeća Zenica u svojstvu gostiju moći prisustvovati politički i nevladini subjekti na koje se odnosi određena tačka dnevnog reda, a ostalima uputio molbu da ne šalju zahtjeve za prisustvo sjednicama, jer isti usljed potrebe za pridržavanjem higijensko-epidemioloških mjera neće moći biti odobreni. Nakon toga, predsjedavajući Vijeća podsjetio je na najvažnije odredbe Etičkog kodeksa za izabrane zvaničnike.

Za današnju sjednicu predložen je sljedeći

DNEVNI RED

1. Zapisnik sa konstituirajuće sjednice Gradskog vijeća Zenica, održane 24. decembra 2020. godine
2. Vijećnička pitanja
3. Prijedlog Izmjena i dopuna Budžeta Grada Zenica za 2020. godinu s obrazloženjem
4. Prijedlog Odluke o privremenom finansiranju Grada Zenica za period 01.01. – 31.03.2021. godine
5. Prijedlog Odluke o utvrđivanju javnog interesa za izgradnju stalnog kružnog toka od ulice Bistua Nuova do spoja s raskrsnicom na M-17
6. Prijedlog Odluke o utvrđivanju javnog interesa za spajanje lokalne ceste za Perin Han na raskrsnicu s kružnim tokom na M-17 s malim urbanim tokom
7. Prijedlog Odluke o utvrđivanju javnog interesa za izgradnju hidroelektrane HE „Janjići“ na rijeci Bosni
8. Prijedlog Odluke o utvrđivanju javnog interesa za nastavak radova na izgradnji Glavne gradske magistrale u Zenici u sastavu Regionalne ceste R-445 dionica Zenica – Lašva u dužini 1,5 km
9. Prijedlog Odluke o izmjeni Odluke o komunalnim djelatnostima zajedničke potrošnje
10. Prijedlog Odluke o pristupanju izmjenama i dopunama Regulacionog plana „Centar Nemila“ (skraćeni postupak)
11. a) Prijedlog Odluke o usvajanju Izmjene Regulacionog plana „Trg rudara“
b) Prijedlog Odluke o provođenju Izmjene Regulacionog plana „Trg rudara“
12. Prijedlog Odluke o načinu i uslovima prodaje građevinskog zemljišta putem licitacije – lokalitet „Trg rudara“ K.O. Zenica II
13. a) Prijedlog Odluke o usvajanju Izmjene Regulacionog plana „Centar II“
b) Prijedlog Odluke o provođenju Izmjene Regulacionog plana „Centar II“
14. Prijedlog Rješenja o imenovanju privremenih upravnih odbora javnih ustanova „Dom zdravlja“ Zenica i Apoteka „Zdravlje“ Zenica
15. Prijedlog Rješenja o imenovanju stručnih komisija za utvrđivanje prometne vrijednosti nekretnina na području Grada Zenica
16. Prijedlog Rješenja o imenovanju Komisije za provođenje postupka javnih konkursa – nadmetanja (licitacija) za raspolaganje neizgrađenim građevinskim zemljištem u vlasništvu Grada Zenica.

Također, predložena je jedna dopuna Prijedloga Dnevnog reda. Vijećnik Sanjin Aldobašić obrazložio je aktuelnu problematiku vezanu za realizaciju projekta Regionalni vodovod Plava voda, te predložio da se na današnjoj sjednici donese zaključak o upućivanju urgencije Vladi Zeničko-dobojskog kantona za hitno rješavanje administrativnih prepreka u realizaciji Projekta izgradnje regionalnog vodovoda Plava voda. Gradonačelnik je dao dodatna pojašnjenja u vezi predložene dopune prijedloga dnevnog reda.

Vijećnici su usvojili predloženu dopunu Prijedloga Dnevnog reda sa 29 glasova „ZA“, bez glasova „PROTIV“ i bez glasova „UZDRŽAN“ (jednoglasno). Navedeni prijedlog uvršten je kao tačka 17. u prijedlog dnevnog reda.

Na zahtjev predsjedavajućeg Vijeća vijećnici su se zatim izjasnili glasanjem o prijedlogu dnevnog reda sa usvojenom dopunom i isti usvojili sa 29 glasova „ZA“, bez glasova „PROTIV“ i bez glasova „UZDRŽAN“.

TAČKA PRVA

- Zapisnik sa konstituirajuće sjednice Gradskog vijeća Zenica održane 24. decembra 2020. godine

Vijećnici nisu imali primjedbi na zapisnik.

Na zahtjev predsjedavajućeg Vijeća vijećnici su se izjasnili glasanjem o ovoj tački dnevnog reda i istu usvojili sa 29 glasova „ZA“, bez glasova „PROTIV“ i bez glasova „UZDRŽAN“ (jednoglasno).

TAČKA DRUGA

- Vijećnička pitanja

Vijećnička pitanja su postavili i vijećničke inicijative podnijeli vijećnici:

Elvir Purić, Alen Kapković, Rusmir Isak, Albin Čatić, Elvis Alijagić, Nermin Mehić, Ekrem Tuka, Sanjin Aldobašić, Faruk Hodžić i Emina Tufekčić. Gradonačelnik je usmeno odgovorio vijećnicima Rusmiru Isaku i Albinu Čatiću na postavljena pitanja.

TAČKA TREĆA

- Prijedlog Izmjena i dopuna Budžeta Grada Zenica za 2020. godinu

Uvodne napomene za ovu tačku dnevnog reda dala je Fatima Vojvodić, pomoćnica Gradonačelnika za finansije.

Zatim se za riječ javio Gradonačelnik i vijećnicima dao određena dodatna pojašnjenja. Također, uputio je poziv klubovima vijećnika u Gradskom vijeću da dostave svoje prijedloge za potrebe izrade Nacrta Budžeta za 2021. godinu.

U raspravi o ovoj tački dnevnog reda učestvovali su vijećnici: Šerif Patković, Sanjin Aldobašić, Ibrahim Šišić i Nermin Mehić. U raspravi su također učestvovali Fuad Kasumović, Gradonačelnik Zenice, Fatima Vojvodić, pomoćnica Gradonačelnika za finansije, Amra Mehmedić, pomoćnica Gradonačelnika za privredu i upravljanje razvojem i Almir Babajić, predsjedavajući Vijeća, dajući određenja pojašnjenja i odgovore na pitanja vijećnika koji su učestvovali u raspravi.

Prije izjašnjavanja vijećnika o ovoj tački dnevnog reda predsjedavajući Vijeća je na zahtjev Kluba vijećnika SDA saopštio pauzu u 11.43 sati u trajanju pet minuta.

Sjednica je nastavila s radom u 11.55 sati.

Na zahtjev Almira Babajića, predsjedavajućeg Gradskog vijeća Zenica vijećnici su se izjasnili glasanjem o Prijedlogu Izmjena i dopuna Budžeta Grada Zenica za 2020. godinu i isti usvojili sa 21 glasom „ZA“, bez glasova „PROTIV“ i sa 8 glasova „UZDRŽAN“.

TAČKA ČETVRTA

- Prijedlog Odluke o privremenom finansiranju Grada Zenica za period 01.01. – 31.03.2021. godine

Nije bilo potrebe za uvodnim napomenama.

Na traženje predsjedavajućeg Vijeća vijećnici su se izjasnili glasanjem o Prijedlogu Odluke o privremenom finansiranju Grada Zenica za period 01.01. – 31.03.2021. godine i isti usvojili sa 29 glasova „ZA“, bez glasova „PROTIV“ i bez glasova „UZDRŽAN“.

TAČKA PETA

- Prijedlog Odluke o utvrđivanju javnog interesa za izgradnju stalnog kružnog toka od ulice Bistua Nuova do spoja s raskrsnicom na M-17

U uvodnim napomenama Emir Delić, pomoćnik Gradonačelnika za imovinsko-pravne, geodetske poslove i katastar nekretnina izvršio je preciziranje dispozitiva prijedloga odluke tako da isti glasi: „Utvrdjuje se da je od javnog interesa izgradnja kružne raskrsnice na magistralnoj cesti M-17 spoj sa naseljem Perin Han (Termika)“. Navedenu izmjenu obrazložio je potrebom da se napravi distinkcija u odnosu na prijedlog odluke iz tačke 6.

U raspravi o ovoj tački dnevnog reda učestvovali su vijećnici: Emina Tufekčić, Malik Ejubović, Šerif Patković, Rusmir Isak, Ibrahim Šišić, Elvir Purić, Nermin Mehić i Sanjin Aldobašić. U raspravi su također učestvovali Fuad Kasumović, Gradonačelnik Zenice, Emir Delić, pomoćnik Gradonačelnika za imovinsko-pravne, geodetske poslove i katastar nekretnina, Mirsad Heleg, savjetnik Gradonačelnika dajući određena pojašnjenja i odgovore vijećnicima.

Na zahtjev predsjedavajućeg Vijeća, vijećnici su se najprije izjasnili o predloženoj izmjeni dispozitiva prijedloga odluke i istu prihvatili sa 29 glasova „ZA“, bez glasova „PROTIV“ i bez glasova „UZDRŽAN“. Nakon toga vijećnici su se izjasnili glasanjem o tački dnevnog reda sa usvojenom izmjenom i istu usvojili sa sa 29 glasova „ZA“, bez glasova „PROTIV“ i bez glasova „UZDRŽAN“ (jednoglasno).

TAČKA ŠESTA

- Prijedlog Odluke o utvrđivanju javnog interesa za spajanje lokalne ceste za Perin Han na raskrsnicu s kružnim tokom na M-17 s malim urbanim tokom

Uvodne napomene dao je Emir Delić, pomoćnik Gradonačelnika za imovinsko-pravne, geodetske poslove i katastar nekretnina.

Fuad Kasumović, Gradonačelnik Grada Zenica dao je određena dodatna pojašnjenja.

Za raspravu o ovoj tački dnevnog reda javila se vijećnica Emina Tufekčić. Nakon izlaganja vijećnice Emine Tufekčić na zahtjev predsjedavajućeg Vijeća Almira Babajića vijećnici su se izjasnili glasanjem o Prijedlogu Odluke o utvrđivanju javnog interesa za spajanje lokalne ceste za Perin Han na raskrsnicu s kružnim tokom na M-17 s malim urbanim tokom i isti usvojili sa 29 glasova „ZA“, bez glasova „PROTIV“ i bez glasova „UZDRŽAN“ (jednoglasno).

TAČKA SEDMA

- Prijedlog Odluke o utvrđivanju javnog interesa za izgradnju hidroelektrane HE „Janjići“ na rijeci Bosni

Uvodne napomene za ovu tačku dnevnog reda dao je Emir Delić, pomoćnik Gradonačelnika za imovinsko-pravne, geodetske poslove i katastar nekretnina. U raspravi su učesvovali vijećnici: Albin Čatić, Kenan Uzunović, Aida Halać i Ekrem Tuka. Na pitanja vijećnika Kenana Uzunovića odgovorili su Mirsad Heleg, savjetnik Gradonačelnika i Selver Keleštura, sekretar Gradske uprave Zenica.

U raspravi su također učestvovali Almedin Skopljak, predstavnik JP „Elektroprivreda BiH“ d.d. Sarajevo, te predstavnici mjesnih zajednica Janjići i Gorica, Miralem Kaknjo i Hasan Hrnjić. Gradonačelnik je dao određena pojašnjenja.

Po zaključenju rasprave na zahtjev kluba vijećnika Zenička inicijativa – Fuad Kasumović predsjedavajući Vijeća je u 13.32 sati saopštio pauzu u trajanju 15 minuta.

Sjednica je nastavila s radom u 13.56 sati.

Na zahtjev Almira Babajića, predsjedavajućeg Vijeća, vijećnici su se izjasnili glasanjem o Prijedlogu Odluke o utvrđivanju javnog interesa za izgradnju hidroelektrane HE „Janjići“ na rijeci Bosni, nakon čega je predsjedavajući Vijeća konstatovao da je isti usvojen sa 17 glasova „ZA“, 5 glasova „PROTIV“ i 7 glasova „UZDRŽAN“.

U 13.56 sati predsjedavajući Vijeća saopštio je pauzu za ručak u trajanju sat vremena, pa je sjednica nastavila s radom u 15,07 sati.

TAČKA OSMA

- Prijedlog Odluke o utvrđivanju javnog interesa za nastavak radova na izgradnji Glavne gradske magistrale u Zenici u sastavu Regionalne ceste R-445 dionica Zenica – Lašva u dužini 1,5 km

Nije bilo potrebe za uvodnim napomenama.

Za raspravu se niko nije javio.

Na zahtjev predsjedavajućeg Vijeća vijećnici su se izjasnili glasanjem o Prijedlogu Odluke o utvrđivanju javnog interesa za nastavak radova na izgradnji Glavne gradske magistrale u Zenici u sastavu Regionalne ceste R-445 dionica Zenica – Lašva u dužini 1,5 km i isti usvojili sa 24 glasa „ZA“, bez glasova „PROTIV“ i bez glasova „UZDRŽAN“.

TAČKA DEVETA

- Prijedlog Odluke o izmjeni Odluke o komunalnim djelatnostima zajedničke potrošnje

Nije bilo potrebe za uvodnim napomenama.

Za raspravu se niko nije javio.

Na zahtjev predsjedavajućeg Vijeća vijećnici su se izjasnili glasanjem o Prijedlogu Odluke o komunalnim djelatnostima zajedničke potrošnje i isti usvojili sa 24 glasa „ZA“, bez glasova „PROTIV“ i bez glasova „UZDRŽAN“.

TAČKA DESETA

- Prijedlog Odluke o pristupanju izmjenama i dopunama Regulacionog plana „Centar Nemila“ (skraćeni postupak)

Uvodne napomene za ovu tačku dnevnog reda dali su Fuad Kasumović, Gradonačelnik Grada Zenica i Bojana Primorac, pomoćnica Gradonačelnika za urbanizam, koja je predložila izmjenu rokova u članu 5. alineja

1. umjesto august 2020. godine treba da stoji decembar 2020. godine, alineja
2. Nacrt Plana, umjesto septembar 2020. godine treba da stoji februar 2021. godine, alineja
4. Prijedlog Plana umjesto oktobar 2020. godine treba da stoji mart 2021. godine.

U raspravi su učestvovali vijećnici: Šerif Patković, Alen Kapković, Nermin Mehić, Elvir Purić i Almir Babajić. U raspravi su učestvovali Fuad Kasumović, Gradonačelnik Grada Zenica i Lejla Brljevac, direktorica JP za prostorno planiranje i uređenje grada „Zenica“ d.o.o. Zenica dajući dodatna pojašnjenja. Gradonačelnik je predložio donošenje sljedećeg zaključka:

I Gradsko vijeće Zenica upućuje urgenciju prema JP „Željeznice F BiH“ d.o.o. Sarajevo da u saradnji s Gradom Zenica pristupi izradi tehničkog rješenja prelaza preko pružnog kolosijeka u Nemili, kako bi se moglo pristupiti rješavanju problema putne komunikacije Nemila – Orahovica.

Na zahtjev predsjedavajućeg Vijeća vijećnici su se najprije izjasnili o prijedlogu zaključka Gradonačelnika i isti usvojili sa 29 glasova „ZA“, bez glasova „PROTIV“ i bez glasova „UZDRŽAN“, a zatim o Prijedlogu Odluke o pristupanju izmjenama i dopunama Regulacionog plana „Centar Nemila“ (skraćeni postupak) i isti usvojili sa 29 glasova „ZA“, bez glasova „PROTIV“ i bez glasova „UZDRŽAN“.

TAČKA JEDANAESTA

- a) Prijedlog Odluke o usvajanju izmjene Regulacionog plana „Trg rudara“
- b) Prijedlog Odluke o provođenju izmjene Regulacionog plana „Trg rudara“

Uvodne napomena za ovu tačku dnevnog reda dala je Lejla Brljevac, direktorica JP za prostorno planiranje i uređenje grada „Zenica“ d.o.o. Zenica.

U raspravi su učestvovali vijećnici: Sanjin Aldobašić, Malik Ejubović, Šerif i Patković. Na pitanja vijećnika Sanjina Aldobašića odgovorila je Lejla Brljevac, na pitanje vijećnika Malika Ejubovića odgovorile su Lejla Brljevac, direktorica JP za prostorno planiranje i uređenje grada „Zenica“ d.o.o. Zenica i Mia Skopljak, savjetnica Gradonačelnika za urbanizam, na pitanje vijećnika Šerifa Patkovića odgovorio je Fuad Kasumović, Gradonačelnik. Određena pojašnjenja dala je Selma Mujagić, stručna savjetnica u Službi za urbanizam.

Vijećnik Sanjin Aldobašić imao je poslovničku intervenciju u smislu da Vijeće najprije treba usvojiti tačku dnevnog reda, a potom zaključak vezan za istu, s obzirom da zaključak ne važi ako se ne usvoji tačka dnevnog reda.

Na zahtjev predsjedavajućeg Vijeća Almira Babajića vijećnici su se najprije izjasnili glasanjem o Prijedlogu Odluke o usvajanju izmjene Regulacionog plana „Trg rudara“ i isti usvojili sa 29 glasova „ZA“, bez glasova „PROTIV“ i bez glasova „UZDRŽAN“, a zatim o prijedlogu zaključka vijećnika Šerifa Patkovića koji je glasio:

I Obavezuje se Gradska uprava da u svim fazama realizacije projekta „Trg

rudara“ uredno podnosi izvještaje Gradskom vijeću.

Predsjedavajući Vijeća upoznao je vijećnike o prijedlogu Gradonačelnika da klubovi vijećnika odrede po jednog člana, odnosno predstavnika koji će učestvovati u svim fazama realizacije projekta, te zatražio da do 05. januara 2021. godine dostave svoje prijedloge učesnika u komisiji koja će predstavljati određeni oblik nadzora Gradskog vijeća nad svim postupcima.

Prijedlog Zaključka vijećnika Šerifa Patkovića usvojen je sa 29 glasova „ZA“, bez glasova „PROTIV“ i bez glasova „UZDRŽAN“.

Vijećnici su se zatim izjasnili glasanjem o Prijedlogu Odluke o provođenju izmjene Regulacionog plana „Trg rudara“ i isti usvojili sa 29 glasova „ZA“, bez glasova „PROTIV“ i bez glasova „UZDRŽAN“ (jednoglasno).

TAČKA DVANAESTA

- Prijedlog Odluke o načinu i uslovima prodaje građevinskog zemljišta putem licitacije lokalitet „Trg rudara“ K.O. Zenica II

Za ovu tačku dnevnog reda nije bilo potrebe za uvodnim napomenama.

U raspravi su učestvovali vijećnici Nermin Mehić i Malik Ejubović.

Vijećnik Nermin Mehić podsjetio je da je ranije prihvaćen amandman ovog vijećnika kojim je predloženo povećanje početne cijene sa 300 na 500 KM/m². Gradonačelnik je istakao da je Gradska uprava saglasna s navedenim povećanjem cijene. Vijećnik Malik Ejubović naglasio je da je i Klub vijećnika SDA saglasan da se početna cijena m² poveća sa 300 KM na 500 KM. Također je predložio da se u perspektivi planira održavanje sjednice Gradskog vijeća na kojoj će se diskutovati o tome u kojem pravcu će se Grad Zenica razvijati u urbanističkom smislu u narednih 20 godina. Bojana Primorac, pomoćnica Gradonačelnika za urbanizam kazala je da, ukoliko je opredjeljenje vijećnika da dobiju od Službe za urbanizam izvještaj o stanju prostorno - planske dokumentacije i da se na istu temu diskutuje, Služba za urbanizam ima spreman izvještaj, te da će isti rado prezentirati vijećnicima i odgovoriti na postavljena pitanja.

Na zahtjev predsjedavajućeg Vijećnici su se izjasnili o Prijedlogu Odluke o načinu i uslovima prodaje građevinskog zemljišta putem licitacije lokalitet „Trg rudara“ K.O. Zenica II sa predloženim izmjenama cijene i isti usvojili sa 29 glasova „ZA“, bez glasova „PROTIV“ i bez glasova „UZDRŽAN“.

TAČKA TRINAESTA

a) Prijedlog Odluke o usvajanju izmjene Regulacionog plana „Centar II“

b) Prijedlog Odluke o provođenju izmjene Regulacionog plana „Centar II“

Uvodne napomene za ovu tačku dnevnog reda dali su Lejla Brljevac, direktorica JP za prostorno planiranje i uređenje grada „Zenica“ d.o.o. Zenica i Fuad Kasumović, Gradonačelnik Grada Zenica.

Gradonačelnik je predložio donošenje zaključka:

I Raspolaganje zemljištem na lokaciji Centralnog parka u obuhvatu regulacionog plana „Centar II“ može se vršiti na osnovu odluka Gradskog vijeća donesenih 2/3 većinom glasova ukupnog broja vijećnika.

II Ovaj zaključak stupa na snagu danom donošenja.

U raspravi su učestvovali vijećnici Malik Ejubović, Albin Ćatić, Šerif Patković i Nermin Mehić. Na pitanja vijećnika Malika Ejubovića odgovorili su Lejla Brljevac, direktorica JP „Zenica“ d.o.o. Zenica i Gradonačelnik, a na pitanje vijećnika Albina Ćatića pojašnjenje je dao Gradonačelnik.

Na traženje predsjedavajućeg Vijeća vijećnici su najprije glasanjem izjasnili o Prijedlogu Odluke o usvajanju izmjene Regulacionog plana „Centar II“ i isti usvojili sa 29 glasova „ZA“, bez glasova „PROTIV“ i bez glasova „UZDRŽAN“ (jednoglasno), a zatim o Prijedlogu Odluke o provođenju izmjene Regulacionog plana „Centar II“ i isti usvojili sa 29 glasova „ZA“, bez glasova „PROTIV“ i bez glasova „UZDRŽAN“ (jednoglasno).

Vijećnici su se zatim izjasnili glasanjem o prijedlogu zaključka Gradonačelnika i isti usvojili sa 29 glasova „ZA“, bez glasova „PROTIV“ i bez glasova „UZDRŽAN“ (jednoglasno).

TAČKA ČETRNAESTA

Prijedlog Rješenja o imenovanju privremenih upravnih odbora javnih ustanova „Dom zdravlja Zenica“ i Apoteka „Zdravlje“ Zenica

Uvodne napomene za ovu tačku dnevnog reda dala je Almira Baručija – Kapidžić, rukovodilac Službe kabineta Gradonačelnika.

Izvještaj Komisije za izbor i imenovanja vijećnicima je dostavljen pred sjednicu i isti je prezentovan od strane Kenana Uzunovića, predsjednika komisije.

U raspravi niko nije učestvovao.

Na traženje predsjedavajućeg Vijeća vijećnici su se najprije glasanjem izjasnili o Prijedlogu Rješenja o imenovanju privremenog upravnog odbora JU „Dom zdravlja Zenica“ Zenica i isti usvojili sa 29 glasova „ZA“, bez glasova „PROTIV“ i bez glasova „UZDRŽAN“, a zatim o Prijedlogu Rješenja o imenovanju privremenog upravnog odbora JU Apoteka „Zdravlje“ Zenica i isti usvojili sa 29 glasova „ZA“, bez glasova „PROTIV“ i bez glasova „UZDRŽAN“.

TAČKA PETNAESTA

Prijedlog Rješenja o imenovanju stručnih komisija za utvrđivanje prometne vrijednosti nekretnina na području Grada Zenica

Uvodne napomene za ovu tačku dnevnog reda dala je Almira Baručija – Kapidžić, rukovodilac Službe kabineta Gradonačelnika.

Izvještaj Komisije za izbor i imenovanja, dostavljen pred sjednicu, vijećnicima je prezentovao predsjednik komisije Kenan Uzunović.

U raspravi su učestvovali vijećnici Emina Tufekčić, Sanjin Aldobašić i Denan Pašalić. U raspravi je učestvovao Fuad Kasumović, Gradonačelnik Grada Zenica dajući pojašnjenja.

Na zahtjev Kluba vijećnika SDA predsjedavajući je u 16.56 sati saopštio pauzu u trajanju pet minuta, pa je sjednica nastavila s radom u 17.04 sati.

Nakon pauze, vijećnici su se na traženje predsjedavajućeg Vijeća izjasnili glasanjem o Prijedlogu Rješenja o imenovanju stručnih komisija za utvrđivanje prometne vrijednosti nekretnina na području Grada Zenica, te isti usvojili sa 19 glasova „ZA“, bez glasova „PROTIV“ i sa 7 glasova „UZDRŽAN“.

TAČKA ŠESNAESTA

Prijedlog Rješenja o imenovanju Komisije za provođenje postupka javnih konkursa – nadmetanja (licitacija) za raspolaganje neizgrađenim građevinskim zemljištem u vlasništvu Grada Zenica

Za ovu tačku dnevnog reda nije bilo potrebe za uvodnim napomenama.

U raspravi niko nije učestvovao.

Vijećnici su sa 21 glasom „ZA“, bez glasova „PROTIV“ i sa 5 glasova „UZDRŽAN“ usvojili Prijedlog Rješenja o imenovanju Komisije za provođenje postupka javnih

konkursa – nadmetanja (licitacija) za raspolaganje neizgrađenim građevinskim zemljištem u vlasništvu Grada Zenica.

TAČKA SEDAMNAESTA

- Aktuelna problematika o statusu Podugovora o zajmu za „Projekat regionalni vodovod Plava voda“.

Materijal za ovu tačku dnevnog reda vijećnici su dobili u toku sjednice.

Uvodne napomene dao je vijećnik Sanjin Aldobašić.

U raspravi su učestvovali vijećnici Sanjin Aldobašić i Emina Tufekčić. U raspravi je učestvovao Gradonačelnik dajući određena pojašnjenja.

Vijećnik Sanjin Aldobašić predložio je donošenje zaključka o upućivanju urgencije prema Vladi Ze-do kantona kojim se traži da ista krene u realizaciju, odnosno završi sve procedure vezane za kreditiranje Projekta izgradnje regionalnog vodovoda Plava voda.

Vijećnica Emina Tufekčić predložila je da se prijedlog zaključka proširi i na Vladu F BiH, te Fond za zaštitu okoliša.

Po zaključenju rasprave predsjedavajući Vijeća pročitao je prvi prijedlog zaključka koji glasi:

I Gradsko vijeće Zenica upućuje urgenciju prema Vladi Zeničko-dobojskog kantona i Vladi Federacije BiH za hitno rješavanje administrativnih problema u realizaciji Projekta izgradnja regionalnog vodovoda Plava voda.

Na traženje predsjedavajućeg Vijeća vijećnici su se glasanjem izjasnili o pročitanoj prijedlogu zaključka i isti usvojili sa 29 glasova „ZA“, bez glasova „PROTIV“ i bez glasova „UZDRŽAN“.

Predsjedavajući Vijeća zatim je pročitao drugi prijedlog zaključka koji glasi:

I Gradsko vijeće upućuje urgenciju prema Fondu za zaštitu okoliša F BiH da što hitnije dostavi svu potrebnu dokumentaciju kako bi se nastavilo s implementacijom projekta izgradnja regionalnog vodovoda Plava voda.

Na traženje predsjedavajućeg Vijeća vijećnici su se glasanjem izjasnili o pročitanoj prijedlogu zaključka i isti usvojili sa 29 glasova „ZA“, bez glasova „PROTIV“ i bez glasova „UZDRŽAN“.

Prije zaključenja sjednice vijećnicima su se obratili Gradonačelnik, Mirza Husetić, zamjenik predsjedavajućeg vijeća, te vijećnik Malik Ejubović.

Sjednica je zaključena i završila s radom u 17.22 sati.

Sastavni dio ovog zapisnika je magnetofonski zapis sjednice koji je pohranjen u Stručnoj službi Gradskog vijeća.

PREDSJEDAVAJUĆI
GRADSKOG VIJEĆA

Almir Babajić